

Et les laissez tous despourueuz  
 Ignorans de science nudz  
 Folz ebetes et lunaticques  
 Dont finablement de leurs plicques  
 Peres vous vous repentirez  
 Quant les morsures sentirez  
 De ce que leur auez souffert  
 Mais comme clerement appert  
 Quant ilz sont aagez nest pas temps  
 De corriger iceulz contemps  
 Car ilz ont prins si grant racine  
 Que riens ny vauldroit discipline

**U** Les vngz sont mauvais viciueuz  
 Pecheurs qui mesprisent les cieulz  
 Les aultres font mauuaise vie  
 Les vngz ont leur ame rauie  
 Et leurs cueurs en actes treshors  
 Et despendent tous les tresors  
 A eulz par leurs peres laissez

**U** Les aultres ne sont point lassez  
 Ains tous les iours mectent leur cure  
 Du mauldit peche de luxure  
 Qui comme feu brule leur corps  
 Consumant par ces vilz recors  
 La fleur de leur belle ieunesse  
 Et boyuent sans fin et sans cesse  
 Du vin sans tenir nul propos  
 Les plaines pintes et plains potz

**C** ar ieunes enfans qui ne sont  
 Nourriz en doctrine ne font  
 Quant ilz sont grans chose qui vaille  
 Mais sont enclins a mauuz sans faille  
 Et prestz a commettre pechez

**O** deres escoutez et sachez  
 Que meilleur ny a pour nourrir  
 Enfans ne les faire flourir  
 En vertus par bon exemplaire  
 Fors la doctrine salutaire

**D** ung maistre doct et bien scauant  
 Car la fin et commencement  
 Et le milieu bon en sera  
 Dont tout honneur en sortira

Prouerbio  
 rum. xix  
 Eccle. xxij.

Deut. xxj.

puerbi. xix  
 Eccle. vij.

Mieulx fleurant que ne fait la rose  
**U** De noblesse est assez grant chose  
 Dont sont decorez les pusilles  
 Mais par leurs labeurs et vigilles  
 Ceste noblesse nont acquise  
 Que prouffite noblesse mise  
 Dedens les corps des grans seigneurs  
 Qui de vertuz et bonnes meurs  
 Nest aucunement decoree  
 Ains des vices deshonoree  
 Pour quoy tensle tu de noblesse  
 Comme fol qui par ta saigesse  
 Par bonnes meurs et bonne vie  
 Has pas noblesse deseruie  
 Et pour ce nen fais point de feste  
 Bien souuent dune douce beste  
 Naissent des chiens qui mauuaids sont  
 Aussi les bonnes meres ont  
 Souuent des enfans tresperuers  
 Mais le pere filz sont diuers  
 De leurs mauuaistiez est coulpable  
 Qui ne leur est espouventable  
 Ne cruel en correction  
 Sans faire prohibition  
 De ne viure point follement  
 Et ne leur donne enseignement  
 Qui soit bon ne qui leur prouffite  
 Et voy la comment il sacquite  
 Dont ie puis dire que sans paus  
 De leurs folies il est cause

Seneca.  
 Juuenalis.

Eccle. xxij.

**U** Des rapporteurs detracteurs  
 et litigieux.

**U** Qui fait les noises et debatz  
 Par faulx et double rapporter  
 Et qui fait dopprobrieuz cas  
 Par accuser aucun noter  
 Cestuy da ses cuisses porter  
 Entre deux meules bien enferre  
 Son guerdon est de torment querre